

Lena

Koeplèt:

Vriedagaovend nao èllef oor,
Zakke veer weer bijj Lena door,
Hijj is altied gezèlligheid,
Hijj boe altied de sjoekboks steit,
Vriedagaovend nao twellef oor,
Geit 't nog e paar eurkes door,
Lena reup lèt op, sjoekboks geit op stop,
Zie klimp 't podium op.

Refrien:

Lena, Lena, lao, lao,lao....., laot dat noe
Lena, Lena, moo, moo,moo..... moot dat noe.
Lena, Lena, lao, lao,lao....., laot dat noe.
Lena, doeg euz noe toch 'n lol,
Lena, sjöt uz de glaazer vol,
Lena. Ezzebleef haw toch dien mol

Koeplèt:

Alles good meh d'r is ein min,
Lena dingk tot ze zinge kin.
Wèlt zoe geer op de buune stoon,
Sjaart ziech daan weer de microfoon,
Ed'rein zit daan 't is ech woer,
Mèt de vinger dik in 't oer,
Want 't is 'n wèt, al nao ein koeplèt,
Zingk gans de kaffee weer mèt.

